

通州志卷之二

建置志 凡目十八

衛社稷又民人莫大乎制度周官掌固典綦重也通當南
北水陸要衝新舊合爲一城實樹 京東保障凡倉儲庫
廩營守傳郵壇壝廟祠津梁坊表與一切有裨利濟者以
時修舉靡不睹經營規畫之政焉卽祇林邱墓臺榭園亭
論者謂陳迹畱貽無關制度而此邦勝概獨可忘創守所
自歟志建置

城池

倉庫獄房

衙署

營衛

試院

教場

驛站

鋪遞

墩撥

道塗

關梁

壇廟祠宇

寺觀菴堂

樓臺亭閣

坊表

局所粥廠

水會
救生
船附

塚墓

義塚

城池

通州城 舊志載相傳元以前無城元末墮城郭始編籬

寨爲城

此係舊志之誤詳藝文志州城考

明洪武元年大將軍徐達偕

常遇春郭英定通州裨將孫興祖督軍士修城城在潞

河西卽今所稱舊城也輒甃其外中實以土周圍九里

十三步連垛牆高三丈五尺門四東曰通運西曰朝天

南曰迎薰北曰凝翠門各有樓宣德八年都指揮劉斌

奉敕董修城樓明正統十四年總督糧儲太監李德鎮

守指揮陳信以大運西南二倉在城西門外奏建新城

護之新城實始於此甃以甃周圍七里有奇東連舊城

西面為門二一日南門一日西門各有樓高止丈餘不

及舊城之半正德六年巡撫李貢奏請增修新城築高

五尺

李東陽記
載藝文志

萬歷十二年知州張士奇修舊城十九

年兵科顧九思奏修舊城是年密雲兵備道王見賓詳

准奏修新城工料至伍萬金大加拆修連堞牆高三丈

五尺厚丈餘長一千三百四十丈有奇南門題曰望帆

雲表西門題曰五尺瞻天

唐文獻記
載藝文志

三十五年知州梅

守極詳修新舊二城未行三十七年知州陳隨詳准奏

修新舊二城崇禎三年總兵楊國棟增修新城較前高

厚

國朝康熙九年知州甯完福詳准奏修新舊二城舊城周圍
一千六百二十六丈五尺新城周圍一千二百六十三
丈城根寬三丈四尺頂寬二丈三尺城身外高三丈四
尺內高二丈二三尺至三丈不等五十八年知州朱英
任內曾估修新城南門月城一段案據無考乾隆元年
王大臣議覆御史劉永泰條奏內開各處城垣如有坍
塌已多需費浩繁者該督撫分別緩急察明報部妥議
具題二年知州韓亦詩以新舊二城坍塌頗多久未修
葺請以淤淺護城河道之土挑挖爲修城土方之用且
築且濬更於運務有濟經倉場總督 宗室塞公爾

赫 奏准動項興修共動用銀拾伍萬壹千肆百肆拾柒兩壹錢陸分壹釐十九年續有坍塌知州辭如春詳報未修三十年奉

旨舊城西門應行拆去新舊合而爲一除舊城西面城牆拆去一百八十二丈周圍實長二千七百七丈五尺經直隸總督方公觀承 奏准裏皮通換沙滾甃成砌下段六進中段五進上面四進均折五進根腳加用豆渣石一層並夯築灰土添建女牆高一丈六寸舊制城根寬三丈四尺城頂寬二丈三尺將城頂減去三尺淨寬二丈形勢相稱所有裏皮城垣全行改砌甃牆外皮黏補係

通水道玉公神保知州萬廷蘭承修共動用銀拾伍萬
叁千貳百玖拾玖兩伍錢柒分壹釐三十五年大雨連
縣續有坍塌知州龍舜琴詳修共動用銀壹萬伍千陸
百叁拾捌兩柒錢陸分柒釐三十六年被雨續坍知州
龍舜琴詳修共動用銀壹萬貳千柒百陸拾柒兩陸錢
伍分道光十七年經御史李熙齡奏修因籌款無著遂
停咸豐三年欽差文瑞奏請興修州紳程杰李右文丁
鶴皋李煥文董其事兼尹賈楨等先後奏請奏疏詳藝
文志

今新南門題曰灌輸西門題曰神京左輔未詳始於何年

池 州城舊無池明萬歷二十二年戶部郎中于士廉周

視兩城隍並可為池奏請引通惠河水注之可通漕舟
 省陸輓費詔如議濬之長三千三百餘丈加深二尺許
 廣視深四倍建閘一橋四士廉擢任去郎中楊初東竣
 工 國朝屢經疏濬其橋座遇有殘缺隨時捐修乾隆
 二年知州韓亦詩詳請挑挖護城河今如舊

敵臺

明正德六年巡撫李貢奏修新城建敵臺

見藝文志李東

陽修新城記中

此敵臺創始也舊名空心礮臺崇禎四年督部

范景文以州舊城東北與新城西南皆受敵衝增建臺
 一座於舊城東北形如扇自左至右長十二丈高三丈
 七尺分下中上三層俱有礮門今新城西南者年久傾

圮業已填砌隨城一律平坦舊城東北者堅固如式

張家灣城 明嘉靖四十三年順天府尹劉畿以邊警請

築張家灣城工部議准敕府丞郭汝霖通判歐陽昱等

監築周圍九百五丈有奇厚一丈一尺高二丈餘內外

皆甃以甃東南濱潞河西北環以濠爲門四各有樓又

爲便門一水關三中建屋若干楹

徐階記載
藝文志

萬歷三十

三年修四十年知州楊忠裕修崇禎四年修 國朝以

來閒有修葺案據無考現在多圮惟城門啟閉如舊

灤縣舊城 灤舊無城明正德初知縣郭梅築土城周二

里許嘉靖二十二年巡按閩委通州州同陳景增修上

加女牆四門作樓高一丈二尺上闊一丈下稍倍之周
三里三十五年知縣呂哲重修題其四門北曰拱闕南
曰迎薰東曰臨津西曰通都歲久傾圮萬歷四年霸州
兵備道錢藻詳准奏修工未竣霸州兵備道曹當勉知
縣李子擢宋祉相繼修葺以甃石建南北門二南曰
迎薰北曰鞏京東西開小門二凡門各設小樓周圍六
百二十三丈高一丈八尺頂闊一丈一尺底闊二丈二
尺女牆高五尺濠深一丈闊二丈五尺萬歷三十七年
因久雨圯知縣艾友芝修崇禎八年知縣涂應召勸民
捐修增高五尺闊五尺

國朝順治十一年水衝城之西南北三面皆圯十六年縣裁
入通守備徐達略加修葺嗣後西北兩門坍塌周圍城
垣亦多傾圯惟東南兩門雖城門朽壞規制猶存同治
七年捐築土城周四里

永樂店城 店舊無城同治七年州判胡世華勸捐修築
土城六里餘並建四門弔橋

通州志

卷之二 建置
城池

才

倉庫獄房

常平倉

在州城內天喜衢衢

額貯穀壹萬伍千柒百陸拾玖石零

大門一間

倉廩二十間

官廳登記所二間

倉神廟一間

斗級房二間

按舊志載州有預備倉久廢康熙三十一年知州王光謨始於州南門內草廩衢衢建常平倉規制狹隘積久坍塌廢雍正九年知州朱煌以坐落天喜衢衢何

思恭入官房屋三十七間詳奉作倉陸續倒坍且係民房舊式並非倉制歷任俱藉用民房或用席囤收貯米石乾隆三十一年知州曹元瑞以舊倉僅存大門一間倉神廟一間廩房二十二間日就傾圮詳請在州署右另建倉廩批估需費過多奉駁不准另建仍於舊址據實估修因陞任未辦四十四年知州高天鳳詳准卽將坐落天喜衚衕何思恭入官房屋舊址改建以官房拆卸及草廩衚衕坍倉虧朽舊料并地基酌量揀用變抵購添新料領項改建詳估需銀柒百捌拾兩捌錢貳分柒釐於司庫節年耗羨銀兩

動領四十六年三月興工閏五月工竣共二十六間
今盡圯遺址存南北長二十三丈五尺東西寬六丈
南北至街東西接民房

義倉

凡六座

義社穀石均係紳民陸續捐輸無定額
出借口糧視存穀多寡詳請亦無定數

一在州城東南四十里西集

大寺僧性廣捐地

一在州城東十五里任家莊

生員任能寬捐地

一在州城南五十里永樂店

華嚴寺僧亮輝捐地

一在州城西南三十五里牛堡屯

朝陽寺僧照西捐地

一在州城西十里楊家閘

齊化門外真武廟僧了慧捐地

一在州城西南十八里臺戶莊

興國寺僧照璧捐地

按州向無義倉乾隆十七年知州唐倚衡詳請設立義倉六座每座大門一間倉房三間更房一間圍牆一道共計費銀陸百捌拾叁兩伍錢陸分除將禁罰燒鍋器具變價并存庫無主贓銀共伍百肆拾陸兩玖錢動用外餘係捐廉辦竣每倉設倉正一名倉副一名選明白書算殷實謹慎民人充之三十五年各倉被水沖坍知州龍舜琴報明奉文勸捐照舊修理因捐項不敷未經完竣四十五年被雨倒壞後經知州高天鳳興修久廢

一 舊義倉 在新城南門內建廢失考現存基址東西

長十五丈南北寬十二丈西北至街道東南接民房
社倉

按州向無社倉所有社穀均貯常平倉

庫房

按舊志元以前莫考明洪武三年建於州治正堂之
左爲東庫右爲西庫明末多圯 國朝康熙十八年
地震州治多圯三十年以後知州程俊王先謨先後
重建州治兩庫均未復設乾隆三十二年知州曹元
瑞以歷任存庫銀錢及徵存在櫃糧租俱係藏貯內
署殊非體制詳請於大堂東將舊官廳一間拆蓋庫